

टिप्पणी- ४ अरब, २९ करोड़, ४० लाख, ८० हजार का सुनकै चौकवे कौ काम नांय। ये तौ अनन्त कोटि ब्रह्माण्ड नायक और उनके साहूकार गोपिने की लीला हैं। चंटी क और हाथी की छुराक में अन्तर क्यों है, याकौ कहा उत्तर? अरे भगवान् रस पीवे लग्यो तौ समय कौ कहा बन्धन? ये ४ अरब तौ थोड़ो समय है, मायिक जीवन कू समझायवे हैं अन्यथा लीला अनादि व अनन्त है।

रास पञ्चाध्यायी भागवत् में "ब्रह्मरात्र उपावृत्ते" अर्थ है ब्रह्माजी की रात जितनी बड़ी होय है, उतनी देर रास भयो है देखौ प्रमाण में...

१. श्रीमच्छुकदेव कृत सिद्धान्त प्रदीप
२. श्रीधनपतिस्मुरि कृत भागवत् गूढार्थ दीपिका
३. श्रीरामनारायण कृत भावाभाव विभाविका
४. श्रीमत् किशोरी प्रसाद विद्वत्कृत विशुद्ध रसदीपिका
५. श्रीमत् विश्वनाथचक्रवर्ती कृत सारार्थदर्शिनी आदि

कुछ आचार्यन ने ब्रह्म श्रीकृष्ण की जितनी रात होय है - यह अर्थ कियो है। या रीति सौ तो याऊ ते हजारन गुनों होय है, क्योंकि ब्रह्माजी की रात ते बड़ी विष्णु की फिर महाविष्णु की, फिर कहूँ ब्रह्म श्रीकृष्ण की, और कहौँ तब लिखें... पंडिताई ते कहा काम ! रस पीयवे ते गरज ॥

राशेश्वरी राधिका नाचै, मोहन वंशी रहे बजाय ॥

शरद की फैली उजियारी
बहै यमुना लहरन वारी
कमल के फूल खिले भारी
सीरी ब्यार बहै होलैं लैकैं सुगन्ध सुखदाय।

चौतरा सोने कौ तट पै
सबै वारुँ गिरिधर नट पै
चमक बिजरी पीरे पट पै
ठाड़ो तान भरैं मुरली में प्यारी के मन भाय।

बहुत रीझी रयामा प्यारी
लगी नाचन लहंगा वारी
चुनरिया उड़ फहरै भारी
ताल मृदंग दुन्दुभी बाजै धा दिन ता किट धाय।

फिरावैं उंगरिन कौ गति में
नचावैं अँखियन को रस में
बतावैं भाव बहुत अंग में
रीझि-रीझि मोहन नें पकरी हँस-हँस कें लिपटाय।

जाचे-जाचे रे कन्हैया राधा राणी रही बताय ॥

हाथन ते हाथन कूँ पकरें
कबहु गलबैयां में जकरें
बीताम्बर औ फरियाँ फहरें

उड़-उड़ जावै पीरो पटुका साड़ी ते लिपटाय ॥

मोर मुकुट सिर पर फहरावै
शीश फूल झलमल झलकावै
मुख पै कारी लट लटकावै

बैजंती माला हरवा सों इरझ उरझ लहराय ॥

कोऊ सखियाँ ताल लगावै
कोऊ बीना बैन बजावै
कोऊ थोड़ थोड़ बोल सुनावै

राधा माधव दैं फिरकैयां घूमैं तुमका लाय ॥

ऐसे नांच रहे गिरिधारी
संग सजी वृषभानुदलारी
मुखक्यावै मधुरै पिय-प्यारी

लीला रास मधुर देखन को लक्ष्मीहू ललचाय ॥

रास रच्यो वृन्दावत है रही पायल की झबकार ॥

घुंघरु खूब छमाछम बाजैं
बजने बिछुआ बहुतै बाजैं
रवा कौंधनी केहू बाजैं

अंग-अंग में गहना बाजैं चुरियन की खनकार ॥

बाजे भांति भांति के बाजे
झाँझ पखावज दुन्दुभि बाजैं
सारंगी और महुवर बाजैं

वंशी बाजे मधुर-मधुर बाजैं बीना के तार ॥

राधा मोहन दै गलबैया
नांचै संग-संग लैं फिरकैयां
ब्यार चलै शीतल सुखदैया

जामा पटुका लहंगा फिरिया करैं सनन सनकार ॥

मंडल रास बन्यो है अम्बर
ऐसे नांचै राधा गिरिधर
उड़ैं पखेरु मानो ऊपर

तारी दै सम देवैं बोलैं धा धा की धनकार ॥

वृन्दावन रास रचायो री मन्मोहन रास रचैया।
 वंशीवट पै वंशी बजाई
 सबके मनहि लुभायो री वंशी के बजेया
 सब गोपी घर-घर ते निकसी
 वंशी ने सब छुड़वायो री आई जहां कन्हैया
 क्यों तुम मात-पिता पति छोड़े
 ऐसे वचन सुनायो री बलदाऊ के भैया
 सांची प्रीति घर नाय लौटीं
 सबको रमण करायो री कल्प वृक्ष की छैंया
 मान देख के छिप गयो कान्हा
 बहुविधि रुदन करायो री आयो गाय चरैया
 कुंज कुंज यमुना तट दूँढ्यो
 नैनन जल बरसायो री चरनन की बलि जैया
 आयो श्याम लिपट गई गोपी
 प्रीति रीति समझायो री रिनियां आप कन्हैया
 जितनी गोपी उत्तर्नैइ कान्हा
 मण्डल रास बनायो री नाचैं दें गलबैंया।

दीपावली

दिवला भानु भवन में जुर रहे,
 भीतर ज्योति जगामग होय।।
 भांति भांति जुरे दीप री आली
 कैसी सुन्दर आई दिवाली
 सज के बैठी भानु की लाली
 मन्दिर के भीतर की शोभा नाय बखाने कोय।
 ढिंग बैठी सब सखी सहेली
 बतरावै गलबैंयां मेली
 गामन को पहचानें हेली
 नन्दगाँव ये प्रेम सरोवर में दिखराऊं तोय।
 ये है राधाकुण्ड गोवर्द्धन
 चमक रहे सब ब्रज के गामन
 कैसो दमक रह्यो वृन्दावन
 ऊँची शिखर दिपै बरसाने देखो नैन संजोय।
 ललिता कहै सुनहु सुकुमारी
 देखो नंदगाँव यह प्यारी
 मुसकाई सुन भानु दुलारी
 देखब्र मगन भई है प्यारी तन की सब सुधि खोय।

गोवर्द्धन धारण

ब्रज में बादर पानी बरसै हरि गिरिराज उठायो है ॥

कार्तिक मास दिवारी आई

सुरपति पूजा घर घर छाई

दियो हरि पूजन बन्द कराय

भोग गिरिवर को दियो लगाय

सहस भुजधारी रूप बनाय

दोल-पर्वत पै बैठे प्रगाट पावै नाना भोग,

मुसक्यावै श्री लाड़िली खूब बन्धो संजोग।

गवाल कहै कान्हा ने सांचो देव जनायो है ॥

यह सुन इन्द्र बहुत खिसियायो

मेघन को ये हुकम सुनायो

करो तुम ब्रज में पट्टाढार

जाय बरसो हवां मूसर-धार

बहुत गरवाये ब्रज के गवार

दोल-तैतिस कोटि देवतन कौ मैं स्वामी सुरराज,

पर्वत पूज्यो, छोड़ि मोय, प्रलय करो तुम आज।

मेघवर्त जलवर्त उड़े अधियारो छायो है ॥

बरसन लगे मेघ मदवारो

दुखी भये ब्रजवासी सारे

बीजरा चमकै बारम्बार

पड़ै बूँदन की भारी मार

गरज की घोर प्रलय की ब्यार

दोल-तीखी बानन ज्यों लगै बूँदन की बौछार,

बछरागऊ गवाल-बाला सब विकल भई ब्रजनार।

कृष्ण-कृष्ण कह टेरन लागे ब्रज घबरायो है ॥

गोवर्द्धन की शरण गये सब

रक्षा की सोची प्रभु नें तब

अचक हरि गिरि को लियो उठाय

धरयो बांये कर पै उचकाय

छिगुलिया के नख पै गिरिराय

दोल-ब्रजवासी भीतर गये दूर भये दुख-द्वन्द,

भूख प्यास सब भिट गई दरसन कर नन्दनन्द।

सब जल गिरि नें सोख्यो छीटा एक न आयो है ॥

हरि कौ हाथ दबावै मारई

लेय बलैयां देव मनाई

मेरे लाला की करौ सहाय

लकुटिया गवाला दैय उठाय

जोर जयकार करैं हरसाय

दोहासातदिना तक जल पर्यो गिरि धार्यो नन्दनन्द
मारैं गुंठा इन्द्र को गवाल करैं आनन्द
सात बरस के कान्हा ने ये इन्द्र हरायौ है ॥
मेघन कौ जल खतम भयौ जब

हार मान कें लौट गये तब

कही सुरपति सों जाय हवाल

अनोखौ भयौ नन्द कौ लाल

नचैं ब्रज में सब गोपी-गवाल

दोहापरिकम्मा दै पूजहीं गिरिवर को सज साज,
सुरपति चरनन में पर्यो क्षमा कियौ ब्रजराज।
हवै अनन्य हरि भजौ यही लीला अरथायौ है ॥

-----O-----

गिरिवर धार लियो अँगुरी पै, सात बरस कौ रसिया ॥

इन्दर ने जब जुलम गुजारे

भेजे बादर परलय वारे

बरसे ब्रज में मूसर धारे

पानी पानी अम्बर में बह उमगी नदिया।

बोल्हो लाला नन्द महर कौ

कछु काम ना नेक डरन कौ

धारैं गिरिवर दुख हरन कौ

गिरि को लियो उखाड़ छत्र तान्यो ब्रजबसिया।

गिरिवर नीचे सब ब्रजवासी

गाय गोप गोपी सुखरासी

सींग दिखाय करैं सब हाँसी

नचैं गावैं ढोल बजावैं बाजैं बंसिया।

इन्दर हार पर्यो चरनन में

तै सुरभी आयो शरनन में

गोविन्द नाम भयो लोकन में

दै परिकम्मा पूजैं गिरिवर सब दुख नसिया।

गिरिवर गिर ना परै, सहारो सब देवो रे।

बारो सो है मेरो कन्हैया
छोटी बैयां नरम कलैयां
गिरिवर ना सम्हरे, सहारो सब देवो रे।

विकल भई है यशुदा रानी
सोच-सोच मन में पछतानी
मेरी कोई न पीर करै, सहारो सब देवो रे।

दौर श्याम के ढिंग है आई
हरि को हाथ दबावै माई
धीरज मन ना धरै, सहारो सब देवो रे।

मुसकावै ठाड़े श्री गिरिधर
मैया हलको है यह गिरिवर
तू काहे फिकर करै, सहारो सब देवो रे॥

-----O-----

गो-चारण

मैया टीको कर रोरी कौ गऊ चरायवे जावै श्याम॥

गवाल बाला सब पौरी में
दरस की आसा है मन में
नन्द बाबा फूले तन में
कर सिंगार चले नन्दनन्दन रीझैं ब्रज की भाम।
सीस पै मोर मुकुट झूमैं
लटक कारी लट मुख चूमैं
अदा की चाल नयन घूमैं

लकुट हाथ औ कांधे कामर बनमाला अभिराम।

बजाई वंशी मोहन लाल
चले सब नाचत ब्रज के गवाल
दिये गलबैंया मदन गुपाल

फूली लता वृक्ष फूले फूल्यो वृन्दावन धाम।

चरै गैयां सब कोमल पास
हिलोरे लेवैं जमुना पास

सबन कूँ कृष्ण चरण की आस

ऊपर मेघन की छाया में नाहि सतावै घाम।

चलहु श्याम अब गऊ चरायवे अब लाई तू सोवै है
बुरी टेव तोय परी बन्द के औगुन नये बरये है ॥
घर-घर ते सब संखा संगती आये तोय बुलावै है
तू तो सो रह्यौ अपनी नींदन हेला हेल मचावै है
मात यशोदा तोय जगावै नेंकहु आँख न खोलै है

बुरी टेव तोय परी नन्द के..।

बछरा सब नें ढीलदिये औ गैया खड़ी रंभावै है
घर-घर ते सब गोपी निकसीं पनियां भरवे जावै है
सदलौनी लै मैया ठाढ़ी उठ-उठ के फिर सोवै है

बुरी टेव तोय परी नन्द के..।

सदलौनी कौ नाम सुन्यौ तब उठ्यौ लाड़लौ बोलै है
है है मैया माखन मिसरी बहुत देर मोय होवै है
मात यशोदा गोद बितारै आनन्द मंगल गावै है

बुरी टेव तोय परी नन्द के..।।

-----O-----

सब उपनिषद तपस्या करके ब्रज में आया बसे बब गाय

पहले ब्रह्मानन्द लयो इन

ब्रह्माकार वृत्ति प्रगटी तिन

अति तप किय ज्ञानिन के स्वाभिनि
रसमय ब्रह्म कृष्ण की लीला देखन को हुलसाय।

कृपा करी तब हरि रसदानी

कृष्णात्मा राधा ठकुरानी

गुल कृपा पाई मनमानी

गैया बन ब्रजवन में डोलै धेरें गोकुल राय।

ब्रज बारह वन बारह उपवन

बारह प्रतिवन बारह अधिवन

ये तो मुख्य हैं और गौण वन

वनवन प्रभु संग विहरैं हरि कूँ देखत रहैं रंभाय।

समझैं सब वंशी के भावें

वंशी ते वन आवैं जावैं

वंशी ते जल पियें नहावैं

गुल चरण रस युत ब्रज घासन आनन्द सों नित खाय।

वंशी सुन दृग आँसू ढारैं

चाटैं हरि के तन सुकुमारै

सहरावैं हरि रज कूँ झारैं

राधा रानी लेय दोहनी दुहैं श्याम सुख पाय।

बसंत

प्यारी आओ खोलें आज,
ये ऋतु बसंत की आय गई ॥

कैसे सुन्दर है वृन्दावन
देखत ही मोहै मेरो मन
सरसों फूली सोहै खेतन
आयो है ऋतुराज ये ऋतु बसंत की आय गई

सुन्दर ब्यार चलै सुखदाई
जमुना हूँ कैसी लहराई
कमलन की माला लै आई
पहरावन के काज ये ऋतु बसंत की आय गई

ऐसी शोभा है मतवारी
आँखन में छाई है प्यारी
चलिये उठ कै भानुदलारी

तज कै सबकी लाज ये ऋतु बसंत की आय गई

खेली जाय बसंत बंधावन
डफ मुरली की घोर सुहावन
उड़त गुलाल घटा भई सावन
छायो है रसराज ये ऋतु बसंत की आय गई ॥

बाली रंग बरसैगो, आई-आई रे बसंत बहार ॥
लोहरी सौत चलै मत इकली चूनर ओढ़ बसंती,
ये ब्रज है रसियन को अखारो तू है नई लजवंती,

श्याम रस पावैगो, आई-आई रे..।

लगी बसंत पंचमी ब्रज में मस्ती रही है छाय,
झूम-झूम के रसिया गावैं नाचैं कमर लचकाय,
देखत लै जावैगो, आई-आई रे..।

गोरी तेरी उमर है बारी ज्वानी को रंग भारी,
लाल गाल तेरे लाल होठ की लाली है मनहारी,
लाल तोपे रीझैगो, आई-आई रे..।

ब्रज की सूनसान गलियन में डोलै नंद को लाल,
जो कहूँ पावै कोई नवेली गालन मलै गुलाल,
खेल ऐसो खेलैगो, आई-आई रे..॥

-----O-----

धलि धलि बरसाने की लाड़ी ॥

वशा करि नंदगांव कौ कान्हा मिली अंक भरि गाढ़ो
अधर सुधारस प्याय कुंवर को विरह सिंधु ते काढ़ो
रहत अधीन सदा पिय सनमुख कर जोरे है ठाढ़ो
गुलाल केलि गहवर वीथिन में प्रेम तरंगनि बाढ़ो ॥

होरी माधुरी

कण्ठैया रंग तोपे डारेगो, सखि घुँघट काहे खोलै।

पहली पिचकारी तेरे माथे मारै

बिंदिया की सुरंग बिगारैगो, सखि घुँघट..

दूजी पिचकारी तेरे अँखियन मारै

काजर की रेख बिगारैगो, सखि घुँघट..

तीजी पिचकारी तेरे मुख पै मारै

नथली की गूँज बिगारैगो, सखि घुँघट..

चौथी पिचकारी तेरी छतियन मारै

चोली की चटक बिगारैगो, सखि घुँघट..

पाँची पिचकारी तेरे घुटुमन मारै

लहंगा की धूम बिगारैगो, सखि घुँघट..

छटी पिचकारी तेरे पांयन मारै

बिछुवन की घोर बिगारैगो, सखि घुँघट..

साती पिचकारी तेरे सबरेई मारै

जोबन को फूल बिगारैगो, सखि घुँघट..।

-----O-----

कल्ला पिचकारी मत मारै, चूबर रंग बिरंगी होय।।

चूनर नयी हमारी प्यारे

हे मनमोहन वंशी वारे

इतनी सुनलै नन्ददुलारे

पूछैंगी वो सास हमारी, कहाँ ते लई भिजोय।

सबकौ ढंग भयौ मतवारौ

दुखदाई है फागुन वारौ

कुलवंतिन कौ औगुन गारौ

मारग मेरो अब मत रोके, मैं समझाऊँ तोय।

बहु विधि विनय करै सुकुमारी

आड़े टाड़े हैं गिरिधारी

बोलैं भीठे वचन बिहारी

होरी खेल अरी मन भाई, फागुन के दिन दोय।

छांड दर्ई रंग की पिचकारी

हैंस हैंस के रसिया बनवारी

भीज गयी सबरी ब्रजनारी

गालिन ने हरि कौ पीताम्बर छोर्यो मद में खोय।।

चूगरिया रंग में बोर गयो कान्हा वंशी वारो॥

चूनर नई बड़ी चटकीली
चटकीलौ रंग घोर गयो, कान्हा वंशी वारो॥

जान न पाई कित ते आयो
औचक ही झकझोर गयो, कान्हा वंशी वारो॥

गालन मल्यो गुलाल निरदर्ई
धूँघट कौ पट छोर गयो, कान्हा वंशी वारो॥

बरजन लगी हाथ पकरे जब
बैंया तनक मरोर गयो, कान्हा वंशी वारो॥

लिपटन लय्यो नन्द कौ मो ते
हियरे प्रेम हिलोर गयो, कान्हा वंशी वारो॥

खँचा खँची करके छूटी
मोतिन की लर तोर गयो, कान्हा वंशी वारो॥

ऐसो रसिया कब मैं देखूँ
छोटो सो मन चोर गयो, कान्हा वंशी वारो॥

होरी खेलन के दिन मोते
डोर प्रीति की जोर गयो, कान्हा वंशी वारो॥

छेड़े रोज डगरिया में, तेरो ढीट कन्हैया भैया॥

बरस दिना याकी होरी होवै
पूछो सबै नगरिया में, तेरो ढीट कन्हैया..।

फागुन की तौ कहा बताऊँ
छाँड़े रंग घघरिया में, तेरो ढीट कन्हैया..।

भर भर फेंट गुलाल उड़ावै
करदे छेद बदरिया में, तेरो ढीट कन्हैया..।

ऊबट बाट अकेली छोरे
रोकै गली संकरिया में, तेरो ढीट कन्हैया..।

बैठ कदम पै वंशी बजावै
तै तै नाम बंसुरिया में, तेरो ढीट कन्हैया..।

भयो दिवानो फाग खेल जाय
देखो गली बजरिया में, तेरो ढीट कन्हैया..।

कैसे कोई बचैगी यातै
डारै जाल मछरिया में, तेरो ढीट कन्हैया..।।

या में कहा लाज को काज, खोल ले होरी रंग भरी।

बरस दिना में होरी आई
रसिकन को ऐसी सुखदाई
मानो बूढ़े मिली लुगाई

मन की बतियाँ पूरी कर ले, नहि तो रहैं धरी

ऐसो समय फेर नाय आवै
भागन ते फागुन रस पावै
नीरस देख-देख खिसियावै

सुनकैं निकर चली वह ग्वालिन मोहन नें पकरी।

लै गुलाल वाको मुख माझ्यो
प्रेम बीज हियरे में गाझ्यो
रंग बिरंगी करके छाझ्यो

ऐसी दीख रही वह ग्वालिन जैसे फूल-छरी।

पीताम्बर हरि को वह पकर्यो
रंग भर्यो अपनो मुख पोछ्यो
देखै श्याम प्रेम में जकर्यो

तबते नेह जुर्यो ग्वालिन को गौहन आय परी ॥

हरि होरी को खिलार आयौ सब मिल धेरो री ॥

बहुत बार याने मटकी फोरी
दीखे जहाँ सांकरी खोरी
सबरी धेरीं ब्रज की गोरी

यानें बहुतै कियो बिगार याकी वंशी चोरो री।

याद करो जब चीर चुरायौ
ऊपर चढ़ गूँठा दिखरायौ
सबन हाथ ऊपर जुगवायौ

ये कैसो ऊधमगार मिल पीताम्बर छीनो री।

आज हमारौ दांव बन्यो है
देखौ कैसौ आज सज्यो है
तिलक मुकुट ते खूब फब्यो है

तकुराई लेओ निकार याकौ रंगन बौरौ री।

सब मिल पकरीं नन्द कौ लाला
मगन भई ब्रज की सब बाला
मन की करी सबे तिहि काला

हंस देवैं गुलचा मार राख्यौ कर चेरौ री।

अरी होरी में है गयो झगरी, सखियन बे मोहन पकरी।

धावा बोल दियो गिरिधारी
नन्द गाँव के गवाला भारी
छाड़ रहे रंग की पिचकारी

निकसत में रिपटें सबरौ, सखियन ने..।

सखियन के संग भानदुलारी
लै गुलाल की पोटें भारी
मार रहीं हैं भई अधियारी
हवां दीखै नाही दगरी, सखियन ने..।

सखा भेष सखियन ने धार्यौ
सबही मिलकैं बादर फार्यौ
अचक जाय के फंदा डार्यौ
छैला कुं कसकैं जकरी, सखियन ने..।

धोखौ भयो समझ गये मोहन
लाई बरसाने की टोलन
हैंस हैंस आई हरि के गोहन
गुलचन ते कर दियो पतरी, सखियन ने..।

मन भाई कर लीनी हरि ते
बतरावैं तीखी आँखन ते
सखि रूप कर दियो पुरुष ते
परमेश्वर कौ झरौ नखरी, सखियन ने..।

-----O-----

मेरी आँखियन में निरदई, श्याम बे मारी मूठ गुलाल।

भई किरकिरी आँख हमारी
अचक आयकें धूँधट टारी
पूछन लग्यो कहा भयो प्यारी
मेरी आँखियन पे पीताम्बर मलन लगे गोपाल।

आँखन ते गुलाल काढ़ै वह
पूँक मार रस की बार्ते कह
चूमें नैन हटाये हू रह
आग लगै होरी में ऐसो ऊधम ब्रज यहि काल।

या विधि नित ही होरी खेलै
रोकत टोकत ब्रज में डोलै
बिना बुलाए मीठे बोलै
ऐसी बात करै रस की सुन जियरा होय बिहाल।

नन्द महर कौ बड़ौ रसीलौ
नयौ फाग जोवन गरबीलौ
झूमक है नाचै मटकीलौ
पाय अकेली संग न छाड़ै होरी के लै ख्याल।

-----O-----

रंगीली होरी आई, धूम मची बरसाने।।

छैला दूलह आज बन्यो है
सखा संग लै आय अर्यो है
रात दिना को खेल मच्यो है
नगारिन जोरी आई, धूम मची बरसाने।

ढप बाजत सुन के ब्रजनारी
चाव भई खेलन की भारी
निकर परी लै भानुदलारी
रूप की घटा सुहाई, धूम मची बरसाने।

धाय चलीं बिन धुँधट मारै
मतवारी अंचरा न संचारै
अनवट और बिछुवन छनकारै
लगीं गावन सुखदाई, धूम मची बरसाने।

चढ़े गवाल जोवन मदवारै
नांचैं अखियन डोरा डारे
नेंक न मानैं बकैं उधारे
चली रंगन पिचकाई, धूम मची बरसाने।

लै हाथन फूलन की छरियाँ
लटक लटक के मारैं साखियाँ
सखा बचावैं लै फिरकैयां
हार गवालन नें पाई, धूम मची बरसाने।

कह्यो श्याम ने सुनो रे भैया
बरसाने की चतुर लुगैया
फगुवा देवो घर बगदैया
जीत राधे पे छाई, धूम मची बरसाने।।

-----O-----

मेरे मुख पै अभीर, मेरे मुख पै अभीर,

कान्हा ने कैसी मारी।

ये मारी वो मारी हां मारी रे।।

काहे की लै लई पिचकारी,

काहे को नीर, काहे को नीर, कान्हा ने...।

कंचन की लै लई पिचकारी,
 रंगन को नीर, रंगन को नीर, कान्हा ने...
 लाज छोड़ मोय दीनी गांरी,
 कैसे धरूँ धीर, कैसे धरूँ धीर, कान्हा ने...
 नरम कलैया पकर मरोरी,
 ऐसो है बेपीर, ऐसो है बेपीर, कान्हा ने...
 हार मेरो तोरयो पकर लिपटाई,
 मेरो फारयो चीर, मेरो फारयो चीर, कान्हा ने...
 बीरी लै मुख आप खवावै,
 मारे नैनन तीर, मारे नैनन तीर, कान्हा ने...
 ऊधम पै हू प्यारो लागै,
 अचरज मेरी बीर, अचरज मेरी बीर, कान्हा ने...
 अँखियाँ प्यासी रहैं रैन दिन,
 देखन यदुवीर, देखन यदुवीर, कान्हा ने...
 लाख लोग नगरी बसैं,
 सब लागै भीर, सब लागै भीर, कान्हा ने...
 रसिया बिना लगै सब सुनो,
 छेदै शमशीर, छेदै शमशीर, कान्हा ने...॥

होरी खेलै तो आय जैयो बरसाने छैला श्याम॥
 मस्त महीना फागुन कौ सुन रसिया नन्दकुमार
 मेरो तेरो नेह जुर्यो है जोवन धूँवाधार
 तू साज बाज ते आय जैयो बरसाने छैला..।
 इकलौ इकलौ जो खेलै तो गहवर मिलियो लाल
 रंग बिरंगे फूल तोर कै मारुँ तेरे गाल
 तू मन की हौंस बुझाय जैयो बरसाने छैला..।
 बरस दिना है माखन खायो चोरी कर घनश्याम
 देखूँगी वा दिन तोफूँ सूधी नाय ब्रज की बाम
 तू अपनो जोर जमाय जैयो बरसाने छैला..।
 डारुंगी मैं रंग वैजंती हरौ गुलाबी लाल
 भर पिचकारी मारुँ तक-तक और उड़ाऊँ गुलाल
 तू फगुवा लैके आय जैयो बरसाने छैला..।
 लठामार जो खेलै प्यारे संग में लैयो ढाल
 तक-तक लठिया मारुँ उछर बचैयो तू नन्दलाल
 सिर पगिया बांधे आय जैयो बरसाने छैला..॥

मैं कैसे होरी खेवं री, मब मोहब मुरली वारे ते॥

ऊँची अटा पै रहन हमारी
नई-नई मैं झुंघट वारी
सबै कैरें मेरी रखवारी

फाग मच्यो ढप बाजन लागे सुन लीनी पिछवारे ते॥

होरी खेल रहे गिरिधारी
गीतन की धुनि लागे प्यारी
सबरी रात नचैं मतवारी

सुन-सुन मेरी पिंडुरी कापें फुंदना लटक्यो नारे ते॥

जोबन की मदमाती सखियाँ
रंग रंग की पहरें फरियाँ
सैन चलावैं रस की छतियाँ

होरी कौ रस लेवैं देवें जुलमी औगुनहारे ते॥

गली-गली में फाग मच्यो है
रात दिना कौ खेल जम्यो है
नीको छैला श्याम नच्यो है

झमक जाय के नाचन लागीं नन्दलाल हरियारे ते॥

अंगिया मैं का पै रंगवाळैं री, रंगरेजा रंग नाय जानै॥

ऐसी अंगिया मैं रंगवाळैं
वाय पहर होरी खिलवाळैं
देखत ही रसियन बिकवाळैं

फागुन खूब मनाळैं री रंगरेजा रंग नाय जानै॥

वा अंगिया में बाग लगाळैं
बेला फूल चमेली लाळैं
गूँथ-गूँथ के हार बनाळैं

छैला को पहराळैं री रंगरेजा रंग नाय जानै॥

वाई में रंगवाळैं पपैया
पीउ पीउ की रटन लगैया
वा में पवन चलै पुरवैया

मोरन कैं नचवाळैं री रंगरेजा रंग नाय जानै॥

वा अंगिया में महल रंगाळैं
वा में पचरंग पलंग बिछाळैं
गिलम गलीचा तकिया लाळैं

वा में प्रियतम पाळैं री रंगरेजा रंग नाय जानै॥

मेरे मूल की समझी कौन नूझ रहे रेखापेली में।।

लोग यहाँ लाखन जुरे होरी के खिलवार
रस को मरम न जानही जानै कहा गमार
चिपट जाय गुड़ की भेली में। मेरे मन की
रूप देख सब कोऊ खिचै जो धूँघट बिच होय
सांची प्रीति पतंग की तन मन डारै खोय
लिपट जाय अगिन नवेली में। मेरे मन की..
यह जोबन दिन चार कौ थोरे याके खेल
रसिया को रस जो पिये अमर होय यह बेल
रसिक क्यो बिक गया धेली में। मेरे मन की..
गुड़ की भरी परात ते मिश्री की एक डरी
मोधू की सब रात बुरी छैला की एक घरी
धरयो का टेला टेली में। मेरे मन की..
बाँको रसिया नन्द कौ बाँको वा कौ प्रेम
जाकौ जग फीको लगै सोई साधै नेम
चढ़ै गिरिधर की हवेली में। मेरे मन की..।।

-----O-----

होरी आई री बिरज में होरी आई री।

गैल गिरारे होरी है रही घर घर छाई री।।
अपनी अपनी जोट लाग ते सब कोई खेलै फाग
बड़ी अनोखी नन्द महार को जोट न देखै लाग।
कोई खेलै छिरका छिरकी पिचकारी लै मार,
मोहन ऐसी होरी खेलै गागर सिर पै डार।
रंग-रंग के लियो गुलालन मूठ मूठ रहे मार,
नन्द को ऐसो भयो खिलारी भर-भर पोटे मार।
कोई उझके सैन चलावै धूँघट देय उधार,
नन्द को ऐसो है मदमातौ चोली देवै फार।
कोई छांडै हरो गुलाबी रंग बैजंती लाल,
श्याम रंग में भीतर बाहर रंग दीनी गोपाल।
सबै रंग भिट जावै होरी के धोये एक बार,
श्यामरंग दिन दूनो निखरै धोऔ बार हजार।।

-----O-----

चढ़ के नन्द जाँव पै आई, गोपी बरसावे तारी॥

नंद भवन घेरयो है जाई
ऊपर चढ़ के छिपे कन्हारै
पकरी जाय यशोदा माई
कहाँ छिपाये कुँवर आपने बोले महतारी॥

हमें दिखाओ अपने लाला
किये लाल यशुदा के गाला
रंगन करीं महर बेहाला

दियो बलाय यशोदा ऊपर दूँदौ गिरिधारी॥

ऊपर चढ़ पकरी मन मोहन
सब मिलके लागी हैं गोहन
गुलचा दिये कटीली भौहन
कैसे आय छियो होरी में भड्डआ बटमारी॥

छीन लई मुरली पीताम्बर
दियो ओढ़ाय रंगीली चूनर
लहंगा फरिया मोतिन झालर
काजर बंदी कमर कौंधनी करी एक नारी॥

सब मिलि घूँघट मार नचावें
यशुदा की छोरी बतरावें
देख-देख सब हंसें हंसावें
यशुदा की गोदी बैठारी लाली है प्यारी॥

मैया भेद समझ ना पाई
बहु श्याम की यह मन भाई
या आसा दुलरावै माई

चमत् समझ हंसीं सब गोपी हंसें देय तारी॥

-----O-----

होरी में कीरति ने समधिब नरमुद न्योत बुलाई है॥

कीरति ने अगबानी कीनी
कृपा हमें अपनी कर लीनी
बहुतै रस सुख सब कुँ दीनी
तुम तो नामी दाता तन मन सबहि लुटाई है॥

एक बात सांची बोले तुम
कृष्ण पिता वसुदेव सुने हम
कहां कियौ तुम उनसौ संगम

शंका भरी तुम्हारी बतियाँ समझ न आई हैं॥

नंद महार सूधे हैं गोरे
पूत चोर लम्पट और कारे
मिले न कुल की रीति तिहारे
खोलो या को भेद गुप्त कछु बात छिपाई है।

हम कूँ अपनो करि कें मानों
नन्दगाँव सोई बरसानों
नंद समान भानु कूँ जानों
बसों भानु ढिंग सब तिहारी रीति सुहाई है।

मुसकाई सुन यशुदा रानी
हंस बोलीं रस मधुरी बानी
हमरी बात तुमनेइ बखानी
नन्दगाँव चल बसों नन्द ने आस लगाई है।

हैंसीं सब बरसाने वारी
समधिनि नहिं यह भोरी भारी
गावन लागीं मिलि सब गारी
बरसै रस बरसाने राधा कृपा जनाई है॥

-----O-----

गोरी बरसाने की गावैं गारी होरी में ले लाम॥

पहली गारी है जसुदा की
जाकौ पूत धूत चालाकी
रीति पिता साँ मिलै न जाकी
गोरे भोरे नन्दराय पै पूत कहाँ ते श्याम।

दूजी गारी नन्दराय की
अति चंचल घरवारी जाकी
दादी हू नहिं जात पांत की
देवमीढ़ बाबा क्षत्रिय ने करी बनेनी भाम।

तीजी गारी बलदाऊ की
होरी में गति देखी जाकी
संग के हारे हरियारन की
घोटा लगै भांग कौ ऊपर वारुणी छकै ललाम।

चौथी गारी गिरिधारी की
पितु वसुदेव सुनत मति थाकी
नंद घरनि माता है जाकी
पूत एक द्वै बाप सुने नहिं कुल के बिगरे काम।

निश्चय भयौ न कौन बाप है
घर घर चोरी करन जात है
गोरिन घर मटकी चाटत है
माँगे भात न मिल्यो फेर मागत न लाज हे राम

जमुना न्हवें गोप लली जब
वस्त्र खोल तट धरे नगन सब
चीर चुराय चढ़े कदमन तब
बाहर नगन बुलाई ऐसे बिगरे काम तमाम
सूने भवनन जाय ढिंढोरे
माखन चोर मटुकिया फोरे
लालच जीभ मात पित छोरे
झांकत डोलै पर नारिन कौ नंदगौम बदनाम

नंदराय घर भर्यो रतन है
माथे पूंछ मोर धार्यो है
गुंजा की माला लटकत है
रस नहि जानै गाय चरैया चोरी कौ है काम

हंस मुसकानै नन्द कौ लाला
तिरछी देख हसैं ब्रजबाला
बूँका बंदन उड़ै गुलाला
तैसेँ देव देख ब्रज होरी आनंद आठों जाम ॥

-----O-----

आन भोर बरसाने वारी आई नन्दवाँच पै धाय ॥

नन्द द्वार पै मिल्यो पौरिया
पटक पछारी भरीं कौरिया
करी पिटाई भज्यो बौरिया
निधरक घुसी नन्द मन्दिर में घेरी जसुदा माय ।

पकर नचाई जसुदा रानी
कहाँ तिहारे दधि के दानी
होरी के रस में बौरानी
गाँव गीत फाग के प्यारे बकैं जोइ मन भाय ।

नन्दभवन में शोर मचाई
मानों फौज बड़ी चढ़ि आई
ढूँढ़ रही सब जादो राई
हरि भाजे, हलधर हू भाजे, भाजे हैं नन्दराय ।

ऊपर अटा चढ़े गिरिधारी
सखन नाम लै टेरें भारी
आओ चढ़ आई ब्रजनारी
टेर सुनत गवारिया भजे सब दौरे होड़ लगाय
द्वारन मूंद रहीं ब्रज गोपी
प्रेम भरी हरि पै तब कोपीं
छीने बसन लाज सब लोपी
गुलचा दियो कियो मन भायो फगुवा लियो धराय ॥

-----O-----

काण्डा ते कैसे खेळूँगी होरी ॥

सबरे ब्रज में धूम मचाई, लै मेरो नाम बकै होरी।
नई-नई मैला आई नवेली, कबहु न खेली ब्रज होरी।
होरी के हरियारे छैला, जान न देवैं कोई गोरी।
कैसे बचगी या होरी में, पीहर की चूनर कोरी।
पोटन भरे गुलाल छैल सब, लै-लै मांटन रंग घोरी।
ऐसी होरी जरै निगोरी, बाहर भीतर रंग बोरी।
होरी में बरजोरी करके, सबकी लाज मटकी फोरी।
रसियन के छल-बल नहिं जानुं, दाव पेंच में मैं भोरी।

सुन ब्रज के ठगौल मेरी छांडि दै रे गौल,
ऐसी होरी तेरी कैसे होरी हाय मची ॥

अबही तो मैं ब्रज में आई
या ब्रज रीति में जान न पाई
तोते जान ना पहिचान मैं हूँ नारी अनजान,
कैसे बीच डगर में फाग रची।
मैं हूँ बेटा बड़े घरन की
नयी ब्याहुली मैं लाजन की
चूनर छापेदार मेरी सारी जरतार,
हटो छांडो लंगरार्ह मोहे नांय जची।
मोहन नैनन तीर चलावै
झूँघट चीर जिया बिंध जावै
नैनन तीर ऐसे लागे समसरीर,
हटो चल्थो नहि जावै मेरी कमर लची।

-----O-----

बरसाने की गोपी नब्बगाँव में होरी खेलब आई

नन्दगाँव पै टेर लगाई

नाचै गावैं धूमस छाई

बाहर आवौ छैल कन्हई

काहे छिपे भवन में गारी दिवाय आपनी माई

मिलि भीतर ते लाई मोहन

केशर मांट लगी तब दोरन

शीत लगै नहिं कहुं कोमल तन

आंचर ओट करै हरि ऊपर रोहिणी जसुदा माई

कहैं रोहिणी सुनहु किशोरी

नन्दराय पै रंग भरो सी

मांगे देहु श्याम हमको सी

मांगे ते जो मिलै, देहु होरी में हमें कन्हई

इतते सुबल राम सब छाये

रंग माट गोपिन पर नाये

गोरस लाय शीश ढरकाये

देत असीस चलीं ब्रजनारी फगुवा तैं मन भाई ॥

जै जै नित्य धाम बरसानो, श्याम जहाँ पै गारी खाय ॥

अबलाँ होरी नित नित होवै

अबलाँ हरि नित गारी खावै

गारी सुन सुन हरि सुख पावै

एक एक गारी पै कोटि स्तुति आदर नहिं भाय ।

गावैं रस में मिल ब्रजनारी

तुम अब सुनों लाल गिरिधारी

पूछौ तुम अपनी महतारी

गर्ग मुनी ने कैसे पितु वसुदेव बताये आय ।

गाय चराय करी रसिकलाई

दासी पै मन रहे लुभाई

तीन ठौर ते टेढ़ी पाई

आप त्रिभंग बहु वह कुबरी लीनी जोट मिलाय ।

बड़ी खिलार भुआ है तेरी

कुंती ने सुत जायो क्यारी

सूरज ते कर लीनी यारी

पीछे ब्याह पाण्डु ते रोप्यो धापी कैसेहु नाय ।

ब्याही के कौतुक हैं भारे
 बेटा पाँच भये बलवार
 पिता सबन के न्यारे-न्यारे
 सात खसम कर लिये तऊ सतवती रही कहाय
 सुनी सती एक भाभी प्यारी
 पाँच पुरुष की एकै नारी
 बीच सभा में भयी ऊधारी
 अपनी नांक कटत जब देखी दौरे करी सहाय
 बहन फुफेरी जाय हरी तुम
 बहू बनावत आई न सरम
 धरम धींगरन के ये ऊधम
 भूअन ते जाय सास कही तुम ऐसी करी हँसाय
 बहिन तिहारी क्वारी के ढंग
 भजी सुभद्रा अर्जुन तै संग
 भाई पति है यारी के रंग
 वह यारी तुमने जुरवाई भारी गजबहि ढाय
 गारी सुनत श्याम मुसकाये
 तै तै पोत गुलाल उड़ाये
 गोपिन मुख पै मूठ चलाये
 ये गारी सुनवे को हरि अबहू बरसाने धाय॥

आज रंगीली होरी रे रसिया ॥

साज सिंगार हाथ लठिया तै
 घर घर ते चली गोरी रे रसिया।
 जा दिन ते लगी बसंत पंचमी
 ता दिन ते लगी होरी रे रसिया।
 सोरह बरस की चौदह बरस की
 कोई उमर की थोरी रे रसिया।
 कोऊ आवै लपकत कोऊ आवै झपकत
 कोई भौंह मरोरी रे रसिया।
 तै तै ढाल चले नन्द गैया
 हरि हलधर की जोरी रे रसिया।
 गली रंगीली लठामार भई
 भजे गवारिया चोरी रे रसिया।
 दिये छुड़ाय कृष्ण बलदाऊ
 भानुलली बड़ी भोरी रे रसिया॥

-----O-----

जलजल सौं राखियो हमारो गिह्वी डण्डा॥

समधिनि सौत छिनार कहावै

सोरह यार गारे लिपटावै

बतिस करके सैन चलावै डारे ठगनी फंदा॥

समधिनि सौत छिनार के नखरे

मोह लिये सुर नर मुनि सिंगरे

बड़े-बड़े तपधारी मोहे बाबाजी मुछमुण्डा॥

समधिनि सौत छिनार रसीली

याकी तिरछी भौंह कटीली

भीतर लै बाहर भरमावै ये ही याको धन्धा॥

समधिनि सौत छिनार है गन्दी

खसम अनेक किये छरछंदी

बूढ़े वर ते झिकीं न सब जग किये रंड के भण्डा॥

समधिनि सौत छिन्ट्टी डोलै

छोड़े नाय कोई बिन बोलै

पंडित को खंडित कर डारे और पुजारी पण्डा॥

समधिनि सौत छिनार बेसरम

रात दिना करवावै फुकरम

तीन रंग की चोली पहरे गली-गली फरसाण्डा॥

समधिनि सौत छिनार उचंगी

पहरी औढ़ी तौहु नंगी

राजा ते भंगी तक याके यार बने मुस्तांडा॥

समधिनि सौत है जादूगरनी

छिन-छिन रंग और रूप बदलनी

समधी ने ऐसी धर दाबी जन दियो भारी अण्डा (सब ब्रह्मंड)॥

-----O-----

रंग मत डारै रे अरे साँवरिया॥

साँवरिया होरी के खिलार, रंग मत डारै..।

मेरी सास बड़ी लड़हारी रे सुन साँवरिया,

मेरी ननदी फरिया फार, रंग मत डारै..।

मेरे लो बलम की रीति बुरी सुन साँवरिया,

गो हरदम रखै कटार, रंग मत डारै..।

मेरे सासुर की मूँछ बड़ी है साँवरिया,

वो तो लम्बी छल्लेदार, रंग मत डारै
सवा लाख की मेरी चूनर साँवरिया
मेरी साड़ी तो जरतार, रंग मत डारै
तेरी कमरिया को कहा बिगिरैगो साँवरिया
जब चाहे झरकार, रंग मत डारै..।

-----O-----

खेलो-खेलो रे साँवरिया होरी संभर-संभर के आल
हारे तुम होरी खेलत कल गये यहा ते भाल
फिर होरी खेलन को कैसे तुम आये महाराज
टेढ़ी चाल मुकुट टेढ़ो टेढ़ी चितवन सब साल
सूधी तुम्हें आज हम करिहैं तुम छलियन सरताल
होरी में तुम गारी गावत गारी तुम को छाल
है बापन के बारे याते कारे तुम्हें न लाल
बांस बंसुरिया पोली-पोली वा पै इतनों नाल
लतामार में टूटैगी बैरिन अधरन रही गाज
बतरावन में पकर लियौ झपटीं जैसे सब बाज
नारि साँवरी करके नचवत होरी भरे समाज।

मेरी सास लड़ै मेरी नवद लड़ै
तेरी कैसी पड़ गई लाग।।

रोज-रोज तेरी होरी औ बरजोरी में दै दऊँ आग।।
कोई नवेली घूँघट मारे घूँघट उझकै आय,
कैसे निकसें बकै उघारे हेला हेल मचाय।
गलियन-गलियन फेरा देवे रोकै टोकै झगरै,
लपटै झपटै फरिया फारै मोतिन मांग बिखरै।
छोड़ूंगी मैं ब्रज कौ बसिबौ ह्यां की रीति अनीति,
गरे गालन पै पिचकारी छतियन कौ बन्यौ मीत।
पहले भरे गुलाल आँख में पीछे काढ़ै आय,
फूँकै आँख रसीली फूँकन निरखै रूप अघाय।
पहले ऊधम करै अनौखे पीछे जोरै हाथ,
पैया परै रसीली बतियन और नवावै माथ।
कौन बिकैगी नार नवेली ऐसी बानन देख,
जोवन नयो रसीलो मोहन उठत कछुक मुख रेख।

ठाड़ी अपली अटरिया पै गारी है गयो दैया।।

लै-लै मेरो नाम करी मोकूँ बदनाम

कैसे छोड़ूँ नन्दगाँव मेरी मैया।

आवै है अचम्भो मेरो नाम कहाँ ते जाल्य

नई-नई आई में लुगेया।

गारी जो सुनाई और मंद मुसकाई

मेरे है गई पार नजरिया।

मीठी-मीठी गारी दैकें सब कुछ हर लिय

होरी गावै जसुदा को छैया।

ऐसी बुरी होरी आई जामें गारी मन भाई

कुल की लाज नसैया।

देखत सरम आवै देखे बिन न रहवै

है कोई गैल बतैया।

अटा चढ़ूं बार बार कर बहानों हजार

तऊ अब होय हैंसैया।।

-----O-----

होरी खेलेँ राधा यदुवीर, बिरज में हरसरर।

रंगन बरसे नीर बिरज में झरसरर॥

इतने कान्हा धूम मचाये

हुरियारे सब संग में लाये

कैंटा कस-कस फाग जमाये

उछर-उछर के नाच दिखाये

होरी गाय रहे भई भीर बिरज में अरसरर।

उत ते आई राधा प्यारी

संग में हुरियारीं मतवारी

कसके कमर करी तैयारी

गूँटा मात्र नाच रही प्यारी

गारी गाय रही तज धीर बिरज में गरसरर।

गोरी-गोरी जसुदा मैया

गोरे बाप और गोरे भैया

काहे कारे भये कन्हैया

कहा मरम की बात है दैया

कहीं खाई जसुदा खीर बिरज में खरसरर।

नाम गरग ने तेरे धराये
त्यारे पितु वसुदेव बताये

नन्दराय जसुदा को ब्याहे
जसुदा कह वसुदेव को पाये
वो तो रहे जसुदा के तीर बिरज में तरररर ।
प्रीती करत तुम देओ गारी
गोरी तुम सब मन की कारीं

कारे नैनन रेखा कारी
हाव भाव चितवन की कारी
कारी बेनी त्यारे सीर बिरज में सरररर ।।

-----O-----

राधा नव ब्रजबाल होरी खेलेँ ।
बंदलाल ब्रजबाल होरी खेलेँ ।।
बरसाने में पकरि कृष्ण को छीन पीताम्बर छीनी मुरली
भर पिचकारी गालन मारी नैनन मारी छतियन मारी
सरररररर, राधा नव ब्रजबाल होरी खेलेँ.. ।
अखियन में कजरा जु लगायो रंगबिरंगो भड्डवा कर दियो

फगुवा लै के गुलचा मारै बोली ऐयो फिर खेलन कुँ
अररररर, राधा नव ब्रजबाल होरी खेलेँ.. ।
छूट के आये ह्यां मनमोहन खीजीं सब ग्वालन की टोलन
भर-भर पीट लदे अपने सिर रहे उड़ाय अबीर की झोरन
झररररर, राधा नव ब्रजबाल होरी खेलेँ.. ।
लाल भई सब गोपी जमुना लाल भये सब बादर लाल
लाल चूनरी लालइ सारी लाल भई मुतियन की माल
लररररर, राधा नव ब्रजबाल होरी खेलेँ.. ।।

-----O-----

होरी की मौज आई ऐ श्याम चले आओ ।
मैदान फाग का है, तुम जोर आजमाओ ।।
तु है सजीला रसिया, मैं हूँ नवेली गोरी,
दोनों के जंग में तुम, अपना हुनर दिखाओ ।
चोरी से रंग डाला, कल भाग जो गये थे,
कर लूँ तमन्ना पूरी, यारा जरा रुक जाओ ।
रुसवा करुंगी तुझको, रसिया मैं बीच महफिल,
माशूका तू मैं आशिक, यूँ गांठ तो जुड़वावो ।।

साँवरिया होरी खेलल आयो बरसाने में होरी॥

कृष्ण कहें तुम सुनो सखाओं रहियो चौकस जोरी
पकरैंगी ये चतुर बहुत हैं जानों ना इन्हे भोरी
भर पियकसरी छोड़ी इनपे रहे न चूनर कोरी
होरी गाओ रंग जमाओ भानु-भवन की पोरी
खेल भयो रंग होरी कौ सब केसर रंग लै घोरी
भर-भर पोट गुलाल उड़ावें मारें भर-भर झोरी
ढोलक झांझ बजै ठफ महुवर और नगारे की जोरी
साँवरिया की वंशी बाजै नाचैं राधां गोरी
नाचत में लई पकर श्याम कौ गोपिन ने कियो चोरी
लंहगा फरिया अंगिया लै छोरा ते कर दियो छोरी
दियो बनाय सांवरी दुलहन मुख पै घूँघट थोरी
दूल्हा भेष कियो राधे को कर दियो है गठ जोरी
ब्याह कियो होरी की गारिन लोक लाज सब तोरी
गौने चार कियो गहवर वन चिरजीयो यह जोरी॥

-----O-----

होरी में काहे भावो अरे लजावाय लै,

कजरा नंद जू के ॥

काजर तोय लगाऊँ ऐसो
तिलक लगावै सज के जैसो

छैला अपनो साज आज सजवाय लै, ढोटा नंद..।

तिरछी चाल चलै ऐंझातो

सबारे ब्रज डोलै मदमातो

ऐंठो डोलै सबरी ऐंठ झराय लै, छोरा नंद..।

बहुत दिना तक मटकी फोरी

बहुतै करी तैनें माखन चोरी

अपनी सबरी करनी को फल पाय लै, लाला नंद..।

भर-भर डारुं रंभ को गड़ुवा

तोय करुं होरी को भड़ुवा

बन्यो ठन्यो डोलै रसिया रस पाय लै, लाड़ले नंद..।

-----O-----

मैं तो होरी खेलल जाऊँगी, गांय मानै मेरो मनुवा॥

होरी को अलबेलो छैला

मैंतो वाते नेह लगाऊँगी, नाय मानै..।

भर पिचकारी रंग की मारुं

अबीर गुलाल उड़ाऊंगी, नाय मानै..।

ऐसो रंग डारुं कारे पै

गोरो आज बनाऊंगी, नाय मानै..।

दै गुलचा सूधो कर डारुं

सबरी टेड़ निकारुंगी, नाय मानै..।

चीर हरन को बदलो लुंगी

पीताम्बर छुड़ाऊंगी, नाय मानै..।

हरि को नंगो कर होरी में

नैनन नैन लड़ाऊंगी, नाय मानै..।।

-----O-----

रंग चतुर गुजरिया डार गई री।।

मटकी उचवे को मोय टेर्यो

झालो मार बुलाय गई री, रंग चतुर..।

मटकी ते मैंने हाथ लगायो

गगरी मोपे डुराय गई री, रंग चतुर..।

धूँधट में लगी भोरी भारी

गूँठा मार दिखाय गई री, रंग चतुर..।।

होरी गये रंग डार्यो रे काहे नन्दलाला।।

फागुन गयो गई धूरेणी,

अब तैने गड्डुआ डार्यो रे काहे नन्दलाला।

जुलम करै तेरी मति बौराई,

ऐसो ढंग सवार्यो रे काहे नन्दलाला।

तेरे लोक लाज ना नेंकहु,

कारो सब कछु हार्यो रे काहे नन्दलाला।

आप भयो बदनाम बिरज में,

गलियन नाम निकार्यो रे काहे नन्दलाला।

मेरी बात चलोगी घर-घर,

धूँधट मेरो टार्यो रे काहे नन्दलाला।

ब्रजराजा कौ बेटा हवै के,

अपनो नाम बिगार्यो रे काहे नन्दलाला।

घर-घर चोरी करै निसरके,

चोर नाम यह धार्यो रे काहे नन्दलाला।

ब्याही अनब्याही परनारी,

नेंकहु नाय बिचार्यो रे काहे नन्दलाला।

औगुन भर्यो श्याम तौहु ब्रज,

सगरो यापै वार्यो रे काहे नन्दलाला।

पनघट माधुरी

गोपिनि की लागी भीर, पनघट प्यारो लगे।।

ब्रज की गोरी चली जुरि मिल कै,

पीछे लाग्यो बलबीर, पनघट प्यारो लगे।।

एक पनिहारी दूजी ते बोली,

कैसे बचूँ मेरी बीर, पनघट प्यारो लगे।।

नंद जू को छौना पीछे पर्यो है,

नैना के मारे हैंस तीर, पनघट प्यारो लगे।।

चुभ-चुभ जावै वाकी काजर रेखा,

मेरी अँखियन छलकै नीर, पनघट प्यारो लगे।।

पायन छाया मुकुट छुवावै,

छाँह करै लै चीर, पनघट प्यारो लगे।।

मो पै पानी वारै पीवै,

कैसे धरूँ मैं धीर, पनघट प्यारो लगे।।

नैनन ही में हा हा खावै,

बहुत दिखावै पीर, पनघट प्यारो लगे।।

कबहु जोरै हाथ गरज ते,

देखत न होय अधीर, पनघट प्यारो लगे।।

प्रेमी रसिया के फंदन ते,

बचवो टेढ़ी खीर, पनघट प्यारो लगे।।

-----O-----

कहां जाऊं कहा कछं गिरिधर अटकै।।

गगरी भरन पनघट पै गई

गगरी फोर दर्द चुनर भिजई

भीजी भीजी कैसे आऊं चाटकै मटकै।

दही बेचवै घर ते निकसी

दही लूट लई मटकी फोर दर्द

कैसे नयो भयो दानी दुलरी झटकै।

सांकरी गली में मैं जाय रही

मोय घर लई मोय गैल न दर्द

कैसे कारो मन कौ लपटै झपटै।

हार मेरो तोरयो पकर के रख्यो

बरजोरी करी मैतो लाजना मरी

कैसे कहूं कौन सुनै कौन याको हटकै।।